

八

編

類

纂

八編類纂卷之十七

圖書編

六曹類

吏曹

本

朝權殺於漢。員省於唐。而祿涼於宋。軍官原非殊勲。承襲即宜降等。有罪即宜削蔭。起送比試。不可止應虛文。首級論功。不可徇情。以售其買奪。

本朝百官圖

爵號

官

品階

勲

祿

公

開國輔運推誠
宣力功臣

開國輔運推誠
守正文臣

奉天靖難推誠

侯

宣力功臣
奉天靖難推誠

守正文臣

奉天靖難推誠

伯

宣力功臣
奉天靖難推誠

守正文臣

<p>太子太師 太子太傅 太子太保 都督同知</p>	<p>大師 大傅 太保 寺人令 左右宗正 左右宗人 左右都督</p>
<p>從 初授榮祿大夫 陞授光祿大夫</p>	<p>正 初授特進榮祿大夫 陞授特進光祿大夫 右柱國</p>
<p>桂國 月支米 七十四石</p>	<p>左柱國 月支米 八十七石</p>

太子少師

太子少傅

太子少保

尚書

都御史

都督僉事

正番守

都指揮使

襲封衍聖公

布政使

都指揮同知

正二

初授資善

大夫陞校

資善大夫

加授資德

大夫

初授驛騎

將軍陞校

金吾將軍

加授龍虎

將軍

初授中奉

大夫陞校

通奉大夫

加授正奉

大夫

初授鎮國

將軍陞校

定國將軍

加授奉國

將軍

月支米

六十一

石

衍聖公真
人無勳祿

月支米

四十八

石

從二

將軍

<p> <small>月支米</small> <small>賓客</small> <small>副御史</small> <small>大理卿</small> <small>詹事</small> <small>按察使</small> <small>都指揮僉事</small> </p>	<p> <small>光祿卿</small> <small>行太僕卿</small> <small>參政</small> <small>都轉運鹽使</small> <small>衛指揮同知</small> </p>
<p> <small>侍郎</small> <small>通政使</small> <small>太常卿</small> <small>府尹</small> <small>副留守</small> <small>指揮使</small> </p>	<p> <small>太僕卿</small> <small>苑馬卿</small> <small>留守司指揮同知</small> <small>宣慰使</small> </p>
<p> <small>正三</small> <small>初授嘉議大夫</small> <small>通議大夫</small> <small>加授正議大夫</small> <small>初授昭勇</small> <small>將軍陞授</small> <small>昭護將軍</small> <small>加授昭武</small> <small>將軍</small> <small>資治尹</small> <small>上輕車</small> <small>都尉</small> </p>	<p> <small>從三</small> <small>初授懷遠將軍陞授</small> <small>定遠將軍</small> <small>加授安遠將軍</small> <small>初授亞中大夫陞授</small> <small>中大夫加授中大夫</small> <small>資治</small> <small>少尹</small> <small>輕騎</small> <small>都尉</small> </p>
<p> <small>月支米</small> <small>三十五</small> <small>石</small> </p>	<p> <small>月支米</small> <small>三十一</small> <small>石</small> <small>上官無祿除倣此</small> </p>

<p>金部御 大聖太常太僕少卿 鴻臚卿 按察副使 苑馬少卿 衛指揮僉事</p>	<p>國子祭酒 布政司參議 鹽運司同知 宣慰司宣使 宣撫司宣撫</p>
<p>通政 少詹事 京府丞 行太僕少卿 知府 宣慰同知</p>	
<p>正四 初授中順大夫陞授 中憲大夫 加授中議大夫 初授明威上騎 將軍陞授 宣威將軍都尉 加授廣威將軍</p>	<p>從四 初授朝列大夫陞授 朝議大夫 加授朝請尹 將軍陞授 顯武將軍 加授信武將軍</p>
<p>月支米 二十四 石</p>	<p>月支米 二十石</p>

華蓋護身武英殿大學士 文淵閣奉坊大學士翰林學士 尚書通政司參議 大理寺丞 尚書卿 光祿少卿 郎中 欽天監正太醫院正使 京府府宗人府經歷 上林院監正 按察使 府同知 王府長史 儀衛正正千戶 宜慰司同知

侍讀侍讀學士諭德洗馬 尚寶鴻臚少卿 員外郎 五府經歷 知州 鹽運司副使 鹽課提舉衛鎮撫 副千戶儀衛副 招討司招討 宜撫司副使 安撫司安撫

正五

初授奉議大夫 陞授奉政大夫 初授武德將軍 陞授武節將軍

修正 庶尹 驍騎尉

月支米 一十六石

從五

初授奉訓大夫 陞授奉直大夫 初授武畧將軍 陞授武毅將軍

協正 庶尹 飛騎尉

月支米 一十四石

大理寺正 詹事丞 中允侍讀
 侍讀 司業 太常寺丞 尚寶
 司丞 大僕寺行 大僕寺丞 主事
 大醫院判 都察院經歷 京知縣
 府通判 上林苑監判 欽天監副五
 官正 兵馬指揮 留守司都司經歷
 斷事百戶典仗 審理正 神 龍
 提點 長官 副招討 普世
 寧安撫同知

贊善 司直郎
 光祿寺丞 署正
 大理寺副 京府推
 布政司經歷理問
 同知 鹽課司
 州司 倉河

正六	初授承 直郎陞 授承德 郎 初授昭 校尉 陞授承 信校尉	雲騎尉	月支米 十石 無勲祿 僧道官
從六	儒初授 承務郎 陞授儒 林郎 吏宣德 郎		月支米 八石

都給事中府推官 監察御史知縣 編修大理評事 行人司正五府 都察院都事通政司經歷 大常博士 典簿兵馬副指揮 營繕所正京縣 丞 按察經歷 留守司都司都事 副斷事審理副 安撫使 蠻夷長官	翰林檢討左右給事中 中書 舍人行人司副 光祿典簿署丞 詹事大僕主簿 京府經歷 靈臺郎 祠祭署奉祀 州判官 監課司副 提舉布政司都事 副理問衙監運司 宣慰招討司經歷 蠻夷副長官
---	--

正七

儒初授 承事郎 陞授文 林郎 吏宣義 郎

斗

月支米
七石五

從七

初授從 事郎 陞授徵 事郎

月支米
七石

國子監丞 五經博士 行人都照磨
 通政司知事 京主簿 欽天監典簿
 保障正御醫 協律郎 典牧所提領
 管養所副大通閤寶鈔江司提舉
 衛知事 府經歷 署丞 前監同提
 舉 按察知事 宣慰都事 王府典
 寶奉祀良醫 典善正紀善講經至
 靈元符崇真宮靈官 清紀郎 翰林
 典籍國子助教典簿博士 光祿
 錄事監事 鴻臚寺上簿

京府運司知事 學憲正副祭署祀丞
 布政司照磨 王府典膳奉祀典寶
 良醫 副宣慰經歷 神樂知觀宗
 真官副靈官 左右覺義玄義

正八

從八

初授廸
 功郎
 陞授修
 職郎

初授廸
 功佐郎
 陞授修
 職佐郎

月支米
六石六

斗

月支米
六石

校書侍書國子學正部檢校鴻臚署王官監侍司歷營繕所丞典牧所會同館文司院承運寶鈔廣積贖罰十字庫顏料皮作鞍轡寶源局織染所京府織染局大使龍江寶鈔副提舉府知事縣主簿長史司主簿典儀正典樂牧監正茶馬大使贊禮郎奉鑾直樞密司知事

行部司諫通字舍人正字詹事府錄事司務學錄典籍鳴贊序班司晨漏刻博士司拔大使牧監副圍長太醫院提舉司監課司州所吏

正九

初授將仕郎陸授登仕郎

月支米五石五斗

牧車儲御馬都督府門倉軍需
局大使承運寶鈔廣運棧監尉
十字庫副使典牧所會同館文
司院副使廣益太倉銀太僕京
府府庫都稅宜課茶庫同大使
顏料皮作鞍轡寶源局織染所
京府織染副使專場大使孔顏
孟子孫教授按察司檢校府官
司照磨典儀副教授伴讀司運
司府京衛宜撫尉司學教授司庫
司府倉雜道總茶局稅課司大使
司獄巡檢茶馬副使正衛正千總
緡都紀大常司樂教坊司樂

孔曰國子掌儀學正教諭司學兵
司斷事長官司史目司馬司

從九
仕佐郎
陞授登
仕佐郎
初授將

月支米
五石

欽府檢校縣典史軍器局柴炭副使
 遞運所大使驛丞河泊所開欄官
 街大使發監錄事都長提控案牘
 都督府御馬軍儲門倉副使廣盈
 庫都諫都稅課司副使茶鹽課
 司司府州縣衛所倉場大使副鹽
 運司府衛提舉司所州縣庫大使
 使司府州軍器織染雜造局副
 使茶運 批驗所中冊針工局
 慶遠裕民司竹副使司庫副使宣
 德倉司竹鉄中河州遠陽青州府
 樂安稅課司大使鹽倉稅課鈔紙
 印鈔鑄印批分竹林惠民金銀場
 惠民局水銀硃砂場局生藥庫長
 史司倉庫大副使縣雜造局副使
 典科訓科典術訓術副都綱都
 紀僧正道正僧會道會

此以
下未
入流

公侯伯凡三等以封功臣及外戚皆**有**世並給
鐵券高廣凡五等號凡三等佐高皇定天下曰開
國輔運推誠佐成祖曰奉天靖難推誠餘曰奉天
翊運推誠其武臣也曰宣力功臣文臣曰守正文臣
歲祿視功有差已封而又有功者仍爵或進爵加祿
其賢也充京營總督五軍都督府掌印僉書守備留
都出克總兵官鎮守否食其祿其襲替徵券誥論功
過覈適孽幼而嗣者學於國子監有過革冠服學於
國子監坐罪奪祿重奪
文爵職吳元年選郡縣官三百三十
四人賞綺布道里費及其父母妻子有差著爲令曰

以養汝廉奉公無漁民也洪武元年詔中書省自今
除府州縣官賜銀十兩布六疋徵天下賢才爲守令
厚賜而遣之二年上幸後苑見巢鵲卵翼歎曰誰
無母子令羣臣親老得歸養是年賜朝臣袍帶賜廉
吏嵩縣劉典史布帛擇文儒情性清潔者充學官賜
文武官朝服公服又賜冬衣四年中書省上府州縣
一千二百三十九凡官五千四百八十八人令官吏
犯贓者勿赦六年令京官三十月一考考陞一等外
官三歲一考考陞一階勅按察司舉察有司官七年
汰北方府州縣官三百八人增公侯伯都督丞相御

史大夫等官祿有差八年增尚書行省叅政公田祿
各百十年制賜百官八田租充祿俸初給典史俸有
差是年併省州縣十一年命考績殿最分三等稱職
無過爲上賜坐宴有過稱職中宴而不坐有過不職
下不預宴叙立於門宴者出然後退廣西布政使臧
哲母憂去賜米鈔令喪去官並有賜十二年著令給
丁憂官俸有差十三年置判祿司頒臣戒錄上旣
誅胡丞相命儒纂歷代侯王宗戚文武宦官悖逆不
道者凡二百十二人爲是錄云詔復京官家勅守令
民十四年詔有司遣替閑釋放官赴京叙用定考

嚴最法禁有司差遣學官十五年賜六部尚書馬
十六年廣東布政司請慶賀班秩上曰禮行於藩
司班以秩叙十七年吏部尚書俞燠上更定員資格
申薦冒濫考課失實之禁燠上考績法著爲令令方
面勿侵郡縣之職十九年選應天諸府富民子弟補
吏凡千四百人二十年選南方學官有學行者教北
方二十四年賜有司方面官馬諭兵部試尚書茹璫
曰布按二司官方面重臣府州縣官民之師帥跨驢
出入非所以示民政假馬部民因被侵潤不能舉職
甚重治體其官市馬司二十匹府半之州縣又半之

馬一率十斤食之歲一更定儒學訓導位雜職上二十五年頒醒食簡要錄上以中外文武百司職名沿革品秩崇卑勲階陞轉俸祿損益曆年廢置無以示成憲於後世命侍臣重定其制頒天下二十六年頒諸司職掌定學官考課法初命儒學訓導冠帶上名吏部附選貼黃頒世臣總錄二十八年頒祖訓條章勅禮部有言改祖法者以奸臣論無赦是年罷百官朝參賜食二十九年始定外官三年一朝觀三十年頒爲政要錄二十一年定吏員出身資序文
中更官制 文皇盡復故惟存大理寺 仁宗即位

之虞。今更兵二部尚書。蹇義李慶書都布按三司者。官姓名。歷於武英殿西序。曰皇考尚書中外官姓名於武英殿南廊。便覽觀也。宣德五年五月令追奪職官。誥勅七年大學士張瑄乞增南北兩京七品以下官俸。正統元年副都御史吳訥言洪武間京官俸全支。後因營造減省。遂爲例。近來小官多不能贍。如廣西道御史劉隼由進士授官。月支俸米一石五斗。不能養其母妻子。女貧同道御史王裕等刑部主事廖謨等俸米三十餘石。去年病死。竟負無還。乞下廷議增俸。當是時百官俸全支。已乃折鈔。鈔法不行。小

臣不能給。遂有柴薪之名。徵其銀月一兩。宣德中都御史顧佐以柴薪事被訐。上問楊士奇。對曰。京官月俸一石。薪炭馬芻咸資。皂隸遣半取直。藉其用。彼得歸耕。人情爲便。遂爲例。巡撫官者。永樂開設於要害處。洪熙宣德初年。添設漸多。用都御史侍郎通政卿丞景泰中。悉用都御史叅贊軍務者。始于洪熙元年。以武臣踈於文墨。選方面官於各總兵處。整理文書。商確機密。遂名叅贊謀軍務。總督邊儲。景泰中大同叅政。丹陽沈固。宣府叅政。昆山劉璉。山東叅議。會稽周順。廣西副使。劉清輩。又以郎中給事中。補叅贊。

軍務也。景泰元年御史張子初等言：洪武永樂間，方面郡守缺，聽吏部推訪內外官賢能而又久於其任者，請授御史有缺從吏部於進士監生中選用。宣德中始有會官舉保之例，行之既久，奔競成風，所舉非人。況御史若從大臣舉保得任，大臣有過彼必鉗口卷舌而不言，大臣有囑彼必俯首帖耳以聽命，願停舉保新例而復洪武永樂之舊制。下禮部會議，僉曰：御史言是制曰可。御史練綱亦以爲言。三年冬，吏部尚書王直、何文淵言：洪武永樂間，銓選專隸吏部，宣德正統以來始令大臣舉保。景泰初，御史陳綱等言：

保官徇私。廷議奏允。仍歸吏部。今綱等又言吏部選授私舛。請復行保舉。臣等謹議上。繼今方面府正員缺。吏部具奏移文各該保官大臣書所保姓名。行歷官緣由。奏下部銓制曰。朕期方面郡守得人。共安養天民。令大臣舉保吏部推選已。乃彼此相蒙。官不得人民。其柰何。今後惟布政使按察使缺。令三品上官會保。余還吏部訪求。未幾吏部都給事中林聰復以爲言。著爲令。四年御史左鼎言。國初建官有常。近年因事添設。甚至一部有兩尚書。而爲侍郎者倍于原額。爲都御史者率以數十計。在外添設撫民。常屯

等官。如河南叅議二員。今則添而爲四。僉事三員。今則增而爲七。若夫巡撫鎮守之官。則尤可言者。方岳各司十餘人。不爲少矣。每歲又差御史巡視。立法可謂詳矣。不擇方面以責成。不選御史以督察。乃復設官以巡撫鎮守。今之巡撫鎮守。往往多出於方面御史。則今之方面御史。蓋亦他日之巡撫鎮守也。豈有爲方面御史。則合衆人之長而不足。於巡撫鎮守。則任一人之智而有餘耶。乞將內外官凡非洪武之舊者。叅酌裁罷。庶民方可紓。國用可省。委任專而事功可立。七年春。令吏員冠帶。引入內府。會官考試。成化

中中人張敏死姪太常寺丞苗傾貲獻上乞侍郎

上曰苗本由承差若侍郎六部執政不可可授南

京三品左右急持官制請上竟得南京通政使是時
四方白丁錢虜商販技藝卑職之流以及士子弟
率夤緣近官侍內臣進獻珍玩輒得賜太常寺少卿
通政寺丞郎署中書司務序班不復由吏部謂之傳
奉官至于閣老之子若孫甫髫鬣已授中書冠帶牙
牌支俸給隸但不署事朝參大抵多出於梁方之門
弘治間馬文升言京官額一千二百餘人今傳奉官
八百餘人內實支薪俸者九十一人冗官莫甚于今

匠人爲九卿

見諸國災汰罷。正德間亦有附權倖得文階者。嘉靖初盡革諸傳陞乞陞官。嘉靖八年又裁冗官二千員。近日南京六部正貳卿往往停推。土木之役起。匠人而官至九卿者。諸富人貴游于猾吏竄名營建籍中得官者。不啻幾千人。皇明百官述上

唐選舉志太宗謂房玄齡曰官在得人不在員多。命玄齡省併留文武總六百四十餘員。又百官志謂太宗初省内外官定制爲七百三十員曰吾以此待天下賢才足矣。高宗而後日增歲益。玄宗開元末官自三師以下至一萬七千餘員其冗甚矣。李吉甫謂自

之相

漢至隋設官之多無如唐者請勅有司詳定省吏員
併州縣減入仕之塗定俸給之數於是省併八百餘
員諸色流外千七百餘人亦一快也宋朝曾鞏經費
言景德官一萬餘員治平中增至二萬四千員朝野
雜記言祖宗時朝官文武官通一萬三千餘員至寧
宗初增至二萬四千有奇宋朝官冗又甚於唐矣如
各府首領官共四員儒學官至五員州縣學亦三四
員皆冗閑無事可省其半其郡縣學宜省併入府學
應天順天及江西南安府及湖廣漢陽府之例正統八年
華漢陽縣學併入府學蓋一城中止宜設一學一孔子廟今乃

一城至有三學四學三廟四廟者甚煩褻無謂也至如遞運所亦宜省併歸驛其各道右布政使無職掌今祇爲充資養望候陞之官皆在任數月而遷甚至有未至祇任即遷者此尤可省其各道兵備分巡宜合爲一官屯田職事亦宜併歸分巡底不致十羊九牧今京朝官如翰林編修檢討六科給事中尚寶司丞中書舍人行人司行人之類皆職清事簡不宜多設至數十人謂須裁省使有定額至如大理寺丞寺副及各部員外郎之類亦可省雖然省冗官有本焉如杜佑所謂欲求其理在精選擇在省貢舉名目俾

此語不通
入任之語

士寡而農工商衆始可以省吏員可以安黎庶矣
漢王嘉上疏曰孝文時居官者長子孫至以官爲氏
其二千石亦安官樂職然後上下相望莫有苟且之
意其後稍稍變易公卿以下轉相促急或居官數月
而退送舊迎新交錯道路中材苟容求全下材懷危
內顧一切營私者多黃霸曰數易長吏送故迎新之
費及奸吏因緣絕簿書盜財物公私費耗甚多所易
新吏又未必賢或不如其故徒相益爲亂二千皆漢
賢臣其言深識治體矣漢宣帝以爲太守吏民之本
數變易則下不安業民知其將久不可欺罔乃服從

其教化故二千石有治理效輒以璽書勉勵增秩賜金或爵至關內侯公卿缺則選諸表以次用之是故漢臣良吏於是爲盛稱中興焉史又稱宋文帝元嘉之政百官皆久於其職守宰以六期爲斷吏不苟免民有所係三十年間四境之內晏安無事戶口蕃息士敦操尚鄉恥輕薄江左風俗於斯爲美二公久任之效明著史冊丘文莊公曰按九載黜陟之典始於唐虞後世任人惟西漢爲最久黃霸在潁川至於八年然未有一定之制惟我聖祖稽古定制始復有虞之典官皆三年一考六年再考九年通考中有善

政著聞者即行旌異之典其秩滿者則又增秩加官
仍其舊任是以官安其職民安其生任者無奔走道
路之勞居者無送舊迎新之費百年以來率循是道
近自選法淹滯以來乃行一切苟且之政數易變更
甚非 祖宗立法之初意矣胡端敏奏議曰藩臬守
冷皆以任而責成功弘治以前皆然也今則遷徙不
常矣是故春爲知府或僉事於南秋陞副使或叅議
於北來春則又陞參政或憲使於東西矣甚者初陞
右布政使憚遠不行在家稍候三二月即改左而之
近矣到任未及三二月即望轉而京堂矣由是一歲

一句秀盡
最省參詳
爲最急

之間往來道路如織月日過半其能在任幾何至于
進士爲知縣者亦惟僅及三年即擢中間朝覲科場
差委參謁奔走曠廢歲月居半事在承上而不在恤
下也故今藩臬守令皆過客也其視地方之凋弊若
見驛舍之所損壞誰爲之修也視生民之困苦見驛
馬之疲瘠誰爲之恤也愚按二公一言國初久任之
善一言近日速遷之弊何國家法制多善於初年而
敝於承平之世也愚親見近一仕人先任江西參政
不半歲即陞廣東憲使又僅半歲遂陞廣西右方伯
抵任纔兩月又陞福建左方伯不半歲又轉應天府

尹抵任未幾又陞甘肅巡撫都憲遂遷侍郎不三載
間凡六七遷攜揭妻孥往來道路所至坐席未煖而
行李又戒途矣如此遷轉頻數不遑寧居雖其人亦
不願也雖使聖賢居此亦無由以安官行志而使民
被其澤也嗚呼使其人果才堪大用則前時如楊信
民猶以參議徑陞都憲葉盛自參政徑陞都憲亦何
不可如何文淵猶以知府徑陞侍郎陸瑜以布政徑
陞尚書亦不爲過何必使之輾轉繁促僕僕道塗重
煩郡縣夫馬供頓勞費不貲乎善乎近日有爲策議
者曰子產爲政累年而後化成伯禽治魯三年而後

為六十一
九年亦奇

郭政令之人未必皆聖賢聰明得于簡冊之陳言志
力奪於舉案之舊習而旁視同輩超遷內拜者屢矣
於是而速進之念生速進之念生則為民之意短而
求上之意急謀身之術勝而取民之計多百姓何利
于是哉愚按天順以前官多久任而致績效如周忱
之巡撫蘇松自侍郎而至尚書凡二十二年王翱之
提督遼東自僉都歷陞副都左右都凡十一年于謙
之兼鎮河南山西一十八年此撫臣久任見于名臣
錄者可稽也如吾東莞知縣盧秉安任至一十九年
而清操不易臨行惟受士民之詩註云秉安臨別自述詩云不貪自古

人爲寶。今日貪民詩滿囊。十有吾鄉前輩陳璉知滁

州垂十年。而異政著聞當時。亟來褒擢之。與治滁績

最延臣薦之。除人請闕乞留。遂陞楊州知府。掌滁州

事。賜綺衣一襲。鈔五百貫給驛道。還。在滁十年。陞四

川按察使。尋召還陞此守令久任。見于郡邑志者。可

通政使。改禮部侍郎。考也。明詔天下。自今斷行久任。如巡撫守令。皆以九

載爲滿。以六替爲限。非踰六載。不得遷轉。其貪殘不

職者。歲按黜如今法。其政事單異者。璽書旌獎。增秩

賜金。超遷大拜。如漢世及我朝。天順以前。何文淵

陳璉諸人之例。丘文莊公曰。仰惟本朝三年一朝

覲天下司府州縣官吏各齎須知文冊來朝。六部都

察院行查其所行事件有未完報者當廷劾奏之以
行黜陟近歲爲因選調積滯設法以疏通之輒憑巡
按御史開具揭帖以進退天下官僚不復稽其實跡
錄其罪狀立爲老疾罷軟貪酷素行不謹等名以黜
退之殊非祖宗初意按舊制官員考滿給由到部
考得平常及不稱職者亦皆復任必待九年之久三
考之終然後黜降施焉其有緣事降職除名亦許其
伸理其愛惜人才不輕棄絕之如此可謂仁之至義
之盡矣彼哉何人立爲此等名目其所謂素行不謹
者尤爲無謂夫人所行安能事事盡善事事令人哉

不仕則已、一履外任、稍爲人所憎嫉、則雖有願閔之行、有所不免矣、竊觀漢時長史不任位者、三公遣掾吏案驗、然後黜陟、其後不任三公而權歸刺舉、朱浮謂有罪者心不服厭、無罪者坐被空文、意謂當時長吏雖心不厭伏、然猶有罪可名、雖坐被空文、然有文可考、今則加以空名、受此曖昧不明之惡聲、則至于沒齒齎恨、禁錮人於聖世、謂之何哉、後文莊召入內閣、適當考察、吏部上大小庶官當出者幾二千人、文莊遂言于孝宗皇帝、敕凡歷官未及三載者俱復其任、雖有貪暴實跡者、亦勿黜、文莊非徒言之、復施

行之矣。愚按考察之法，原其初意，蓋以補按問糾劾之所遺，以疎通遷調之積滯，使先進之士，不得以久據祿位，而壅閼仕途，使後來之士，皆得以均沾一命，不至老死牖下也。仕途惟進士出身不限，其舉人監生每榜所選，初一考察，即十黜去二三矣。經再考察，十已黜去六七矣。經三考察，不去者十一而已。况雜流乎？聞之何文肅公喬新，洪武永樂以來，凡百司朝覲命部院考其尤不職者，乃黜之，不過數十人。其後吏部患人言務以多黜爲公，方岳而下少有微瑕，輒黜之。至弘治初，幾二千人矣。

見何文肅所作丘文莊墓志，至近

年所黜遂踰三千幾至四千。胡端敏奏議謂嘉靖初年朝覲考察多將剛正有爲不肖逢迎交結之人黜退致令人才缺乏。漢宣帝詔曰吏不廉平則治道衰。今小吏皆勤事而俸祿薄欲其無侵漁百姓難矣。其益吏百石以下俸十五。後漢光武亦詔百官俸千石以上減于西京舊制六百下增于舊秩。宋太祖詔曰吏員冗多難以求其制治。俸祿鮮薄未可責以廉與。其冗員而重費不若省官而益俸。州縣宜以口數爲率差減其員舊俸外增給五千三君所行誠有得于勸士體臣之道矣。以縣官言之兩漢縣令秩六百石。

今知縣七品原月俸七石五十歲止八十石已多寡不俟見今折鈔例行一歲實支之數猶不及兩漢一月之半乎

皇明百官議下

洪武二年令功臣子弟入學初製鐵券三年存恤先鋒府十元帥府戰沒將校家定五等勲爵定武臣世襲之制四年禮官崔亮定外官慶賀禮以武臣爲班首五年申定武選法作鐵榜申成公侯六年定教練軍十律是歲計武官一萬二千八百八十人九年擇功臣子弟敢墾等一百四人爲散騎舍人十一年選武臣子弟入國子學讀書十四年令公侯武臣皆遣子

弟入國子學受業二十一年頒武臣太誥又頒八條
勅諭武臣又頒武臣訓戒錄又賜武臣保身勅二十
二年禁武臣預民事二十三年賜公侯伯屯成百戶
二十六年頒稽制錄於諸功臣二十九年大賚致仕
武臣各陞一級銓於甘肅大同北平大寧北平諸衛
所凡千五百人永樂元年冬定功軍襲替例自後洪
武永樂宣德年軍職絕不論堂兄弟姪並襲成化十
七年以都御史何喬新言凡軍職絕非立功人子孫
不得襲弘治十八年又稍許立功人親姪孫已襲者
得沿襲正德十四年兵部尚書王燮又請堂兄弟姪

嘉靖十六年兵部尚書彭澤言。頃議非是。復不許。
嘉靖十六年兵部尚書彭澤言。頃議非是。復不許。
尚書王憲曰。不可。稍酌議立功人。絕同時親弟姪得
襲。其兄弟以下及堂兄弟姪除親祖例前相沿人自
立有軍功者扣襲。其無功姪孫以下至堂兄弟姪等
及沿襲後別無立功者。不許襲。旁子孫革職者俱收
總旗。天順成化及弘治初年。錦衣指揮門達袁斌朱
驥等。提督緝捕。每至十年或十一二年。方一類奏。下
兵部定議。陞賞。陞者不過五七人。多止十人。賞或以
布絹鈔錠。無功者挺而斥之。已而有拏獲妖言陞襲

一輩之例。於是人競貪功。肆行羅織。弘治十八年。時詔嚴禁。正德元年。錦衣指揮趙鑑。葉廣東。廠大監王岳。鄭旺。一時更代。不及數月。官校四奏。陞賞。正德二年。又復類奏。已而奸倖相繼。用事。廠衛無賴之徒。鱗集蟻附。辦事之員。日增。獲功之奏。漸數。始則三年一奏。或二年一奏。後至一年一奏。或一年兩奏。遂有年終類奏之名。徃徃以妖言爲首。張皇賊狀。無非倚摭之詞。連署姓名。不辨獲功之數。合糊奏請。朦朧擬陞。奏一人。則陞一人。奏百人。則陞百人。市井庸流。立陞朝籍。權門廝役。驟至顯榮。且其假種妖書。陰爲譖弄。

同番手誣執平民加以酷法慘刑一煉成獄凡經
廢衛奏送法司莫敢平反弘治元年孝宗有掣獲
妖言不陞止照成化十四年例給賞之旨今一切撓
寢矣大抵正德年間軍功冒濫其弊有三奏帶越額
也紀驗失實也選法變亂也以故寧夏陝西甘涼大
同應州雲貴江西湖廣山東河南虜賊之役陞擢極
濫嘉靖改元詔革罷凡三千一百九十九人而在外
者又倍之殆不止于厥衛也若乃流官不許世襲署
職止加實授今則流官以流得襲署職以署遞陞甚
至納粟虛銜遂以軍功累授已而諸所革者往往得

復官矣。洪武年間軍職二萬八千有奇。成化五年軍職八萬一千有奇。以二萬視八萬。增四倍矣。由成化迄今。不知增幾倍矣。俸糧所由不足也。洪武初年。錦衣衛官二百一十員。今增至一千七百餘員。由二百而一千七百。踰八倍矣。俸糧所由不足也。再按天下文職。洪武初年。官有定額。故數易稽。今冗員日多。職守月紊。臣博考前古。若光武中興。鑒前世官冗之弊。減省天下四百州縣官。止七千五百餘員。額數極少者也。唐制文武官一萬八千餘員。額數極多者也。我朝自成化五年。武職已逾八萬。以文職計之。益已

逾十萬矣。是職員極冗。未有甚于此時者也。是供億所以日乏。民日益困也。今天下冒濫叢積。虛耗國儲。歲增月益。無有紀極。不可不亟爲之限制者。武職世襲之弊是也。始也賞功之濫。夫前代有大功至封侯者。方得世襲。餘惟官爵終身。其首級功次多。只酬以金帛。或以勲格散官而已。國初武臣身經百戰。出百死得一生者。方得世襲。指揮千百戶。今則報三首級。即陞官世襲矣。國初征戰斬獲受賞。無非實功。近數十年報功。一切虛詐冒濫矣。國初武臣廕例行北試。今則北試皆虛文矣。國初武職犯罪依律科斷。今

此則武
重矣

則一切行姑息律令皆廢格矣。何侍郎孟春曰：武職在國初，非有攻城畧地之功，雖千百戶不輕昇。非從征而死事者，至子孫亦多不世襲矣。世襲子孫弟姪年未及二十者，襲職至年二十乃比試。年及者，即與試。初試不中，襲職署事，食半俸。三年後再比，不中者降充軍。其立法之嚴如此。國初雖世襲法不濫也。武職之濫也，其自永樂始乎。革除年，周衛所官旗官有稱奉天征討守城征哨拿人有功，稱職者有稱全城歸順陞職者。有稱江上朝見并招船招人擒首惡惡逃叛等項，俱作奉天征討名目陞職者。永樂初年

三十二年至三十五年有功陞職者爲新官。年十六出幼襲職替職免比試。三十一年以前者爲舊官。子孫年幼十五出幼襲替俱比試。永樂元年以後爲舊官同茲令也。所以厚諸奉天征討者又如此。武職之濫其始于此乎。正統十四年有所謂破虜走回遇駕拿馬者。天順初有所謂拿門迎駕者。或以陞職或以署武而得實授承襲往往有之。然此猶我祖宗于臣子非常之遇而施非常之恩有不許後爲例者。今日之事冒功買級紛紛于天下權門勢豪乞養奴隸足迹不出都邑而四方萬里一有征進功賞

文冊必鱗次其名焉。官陞不極其任不止。而子孫又皆世襲也。武職之濫其極于今日乎。大學士李賢言于英宗皇帝曰。自古國家惟怕冗食。今軍官又增一衛官有二十餘員者。自古有軍功者。雖以金書鐵券誓以永存。然子孫一再犯法。即除其國。豈有累犯罪惡而不革其職者。今若因循久遠。天下官多軍少。民供必困窮矣。不可不深慮也。胡端敏公世寧奏議曰。首級論功。非我國初舊制也。兩軍相敵。當先格鬪者。手眼瞬息不得差池。何暇割首使割其首。則再不能戰而爲敵所乘。爲後軍所爭奪死矣。故首非我之勝。

彼大敗遠奔不能割然割之者多非殺賊之人而又或以降或殺良民或偶得單行之賊被擄逃出之人而割之多非真功也又曰臣初平賊江西見彼殺賊人無一報功報功之人無一見賊及後充軍遼東見彼冒功之人勢焰薰灼總鎮官奪邊軍血戰所得之首級以與之報功又有等身不出京而寄名各邊相去各數千里而或同時皆報此人獲功其虛冒何可言也明詔天下自今四方首級功次非開國靖難比只陞職止其身並亦許世襲如此庶可杜賞功之濫乎若夫廕襲之法宜不分新舊官皆令比試中者准

襲職不中者發回弓馬。後五年再比試中者降襲二級。不中者仍發回。又五年再比中者降襲二級。不中者仍前施行。其立功祖無正支子孫者並停襲。如此庶可革廕襲之濫乎。若夫犯罪一切依律問擬。勿宥其犯死罪及永遠克軍者。除其籍。勿襲。犯本身軍者降襲二級。其他犯罪並須待犯人身故然後許起送比試。如此庶可免縱罪之濫乎。夫杜賞功之濫。始可以窒其源。而武職不至日增。革廕襲與縱惡之濫。始可以節其流。而武職庶幾日減。武職天下衛四百九十有奇。爲守禦千戶所者三百一十有奇。儀衛羣牧

番夷土司不與焉約可得兵三百二十餘萬而今有之乎此豈盡水旱征戍移徙絕滅哉衛所官濫之也官世其爵軍世屬於官視爲奇貨然勤苦其身侵牟其財而莫敢言其計畫無復之至則散之四方耳已移徙而絕滅也請行清勾勾者至奪其資斧而縱之去不則齟齬之民以清軍爲擾而彼以通軍爲市問其尺籍伍符如絲棼莫可解寇至必借兵于外於是有新軍於是有鄉兵而故額十不得二三夫使國無兵其弊一也國初念諸軍從征苦擇腴田以爲屯俾爲世業富商大賈猶得挈其餘畝以鹽易粟塞上之

庾常滿而軍興不乏歲久法弛若曹囊橐其間私相貿易民田與屯渾殺漫漶故老所傳緣水魚鱗圖冊業已化爲烏有而清屯者至視爲不可控揣之物屯有定數官無常員增一官割一屯官屯日益軍屯日削歲入無以充常餉師行則千里裹糧不足則需民運又不足則乞司農而費且十百于屯之所出矣愚又以爲首功死事之例當裁也何也夫徒步特起以首虜拜爵是矣彼故爲官而得首虜者非功也文吏習詩書六藝操觚翰而議論政事武吏擐甲胄躍馬提戈而攘寇盜皆本業也何以功爲悍將債帥奪其

步卒之首虜而畀其子壻累功併叙疏爵而貴之曾
不數級而拜指揮僉事世金紫矣使用命努力者扼
腕而向隅非計也漢大將軍驃騎大出擊胡得首虜
八九萬級功最矣以財匱故戰士頗不得祿今襲其
脩歸鹵掠其一二旄倪而儼然受延世之賞非所以
明中國強大也如曰抑之是無以風敢戰則當爲之
限制小捷與大勝殊科掩取與義征異等級不得數
併官不得累世何不可乎敗而尸與曰忠也爲進爵
一級以貶其子彼敗者非姦旗鼓則失機宜或非走
而爲魚肉耳其以力戰苦戰捐其軀者有幾乎殞師

辱國一死不足以謝何功而徼惠若是將與士死事均也士身後無半通之綸嫠婦稚子不厭糠覈而將得以捕虜者同日而論功大逕庭矣如日舍之是無以勵死事則察其所以死而軒輊其品格優卹死者而生者之官或殺或罷是不軌於人情乎五年而選軍政能者錄否者黜黜而得食其祿人何病焉文吏一不勝任則褫其職而家食荐賄者以柱後惠文彈治之束而詣吏然猶莫之止也今諸武臣居下考者或受金錢有左驗矣按部使者書其事而戒飭之檄至則委諸度閣耳何戒也一受戒則歲所戒者皆其

人耳何飭也。令甲有曰：武臣有犯，必以上聞，煩累毋輒逮。而武臣遂輕犯法，犯法者衆，臣以爲是將不勝其案劾。而時翫法以從事，文吏卽以下得逮，問比擬其制自某官以下著爲令，其軍政以不任黜者，必奪其祿。歲計吏有如四事廉得實者，必置干理。或者其重犯法乎？今法有幼學師範，取文具耳。當如博士弟子故事，羣諸將家子與所謂民生武生者，特立官師，監以憲司，廣厲功令，布在學官。試不合程度者，罪其師比試人京師，第不第，大司馬以多寡爲殿最，舉奏而行賞罰焉。法不得比試者，按部使者歲程督而行。

賞罰焉。武科之制當廣也。何也。武科所取騎射論策耳。不足得士也。古有不跨馬不穿札而名名將者矣。古有手不知書而爲大帥者矣。劇孟洛陽俠也。朱克用河北豪也。今無若人乎。宋蘇軾請推擇河北五路之民。沉鷲勇悍者。以試吏。而重牙校之選。其議固可采也。甘延壽投石拔距。絕于等倫。超踰羽林亭樓。以試弁。爲期門擊劒鬪槊。彈丸連帑。風角占測。伎兵家亦何所不用哉。是不當各爲一科。而甄敘之乎。武臣文散官。漢諸侯有功德優盛。朝廷所敬異者。賜位特進三公。下隋文帝以爲散官。今正一品初授進榮祿。

大夫至從九品登仕佐郎正見官制蓋初授散官領
于三年之後照例陞授其加贈考驗本人生前功績
合得加授者照例給與武散官周禮天子六軍其將
皆命卿蓋在國稱大夫在軍稱將軍自晉獻公作三
軍而公將上軍故有將軍之名今爲散官正從一品
同文官正二品初授驃騎將軍至從六品校尉止見
官制文勲周禮王功曰勲齊梁始有勲品本酬將士
其後漸及朝流楚寵官有上柱國唐以爲勲官今自
正一品左右柱國至從五品庶尹止見官制武勲後
魏有柱國大將軍今正從一品同文勲秦有護軍都

尉唐上大將軍爲上護軍大將軍爲護軍至從六品
騎都尉止見官制封贈武王克商追王太王王季故
後代有追謚追封之典兩漢逮今人臣亦有追贈之
制漢宣帝思張賀掖庭收養封恩德侯此追封之始
也國朝文官一品贈三代二品三品二代四品至七
品一代各照見授職事依例封贈

按自漢而下列宗正於九寺之中非堯典首敘睦親
之意我聖祖特立宗人府居六部之上其秩一焉
得此道矣初置太宗正院後改爲宗人府以秦王爲
宗人令晉王燕王爲左右宗正周王楚王爲左右宗

人已而用勲戚大臣攝府事不備官漢初惟有太傅
太尉而所謂三公者丞相太尉御史大夫也後加置
太師太保大司徒大司空哀帝時議以漢舊爲司徒
故定三公之號曰大司馬大司徒大司空按史記曰
公孫弘以春秋白衣爲天子三公漢初因秦置丞相
而弘爲之則丞相爲三公矣通考曰成帝拜曲陽侯
王根爲大司馬而何武自御史大夫改爲大司空皆
金印紫綬比丞相則三公俱爲宰相矣後漢惟有太
傅一人謂之上公及有太尉即司馬司空司徒爲三公而
無師保漢制朝臣見三公皆拜天子御座卽起在輿

爲下。至安帝時，三府任薄，選舉誅賞，一由尚書，其災

眚變咎，則責免公台。獻帝時，罷三公官，晉八公同時

並置。太宰太傅太保太尉司所謂八公同辰攀雲附

翼者也。按太尉司徒司空，自漢歷魏皆爲三公，及晉

迄于江左，相承不改。太傅爲上公，亦不改。自是南北

朝或專有太傅，齊或並爲贈官。陳開黃閣聽有三司

太師太保二大大將軍三公大尉司之名，有三公三孤

四輔之別。至隋則廢三司官矣。唐復置三師三公，並

無其人。凡三師官雖有其位，而無其人，亦不置官屬。

五代時，多以昇藩鎮及贈官。宋承唐制，以太師太傅

精新所必
至

太保爲三師太尉司徒司空爲三公爲宰相親王使
相加官而太師則爲異數自趙普以開國元勳文彥
博以累朝耆德方特拜焉雖太傅王旦司徒呂夷簡
各任宰相二十年止以太尉致仕政和中徽詔以太
師太傅太保古三公之官今爲三師古無此稱今依
三代爲真相之任司徒司空周六卿之官太尉秦主
兵之官皆非三公並宜罷之仍考周制立三孤少師
少傅少保亦稱三少爲次相之任至是蔡京始以三
公任真相按政和至于宣和所授三公之官不獨非
其名體亦未正如鄆王肅王爲之則以子爲師傅矣

童貫爲之則以廝役爲師傅矣。朱文公嘗言公孤之職舊惟文臣有勲德者除後世或以王子或以武臣如張韓劉岳是已。旣曰天子之子曰武豈可任師傅之責耶。嗚呼以童貫猶爲之則武臣無論已。宋輕師傅之官弊一至此哉。皇朝初置三公府而李善長徐達以丞相兼太師太傅常遇春以上公贈太保三孤無兼領者。成祖罷三孤官。仁宗復太師太傅太保曰三公少師少傅少保曰三孤侍上左右備顧問咨機務無定員無專授爲勲戚文武大臣兼官加官贈官文官惟贈得三公。嘉靖初楊廷和加太傅辭不受其

太子太師太子太傅太子太保太子少師太子少傅
太子少保太子賓客已上皆東宮官亦不專授但爲
大臣兼官加官或贈官其前代有中書之官通考以
爲周官內史之職蓋自漢武帝游宴後庭始以宦者
典事尚書謂之中書謁者置令僕射成帝時更以士
人爲之魏晉以來中書監令掌贊詔命記會時事典
作文書以其地在樞近多承寵任是以人謂之鳳凰
池荀勗久在中書列遷尚書令人有賀焉唐初遂爲三
省長官居眞宰相之任龍朔改中書令爲右相入宋
其位益尊叙班至在太師之上然只以爲親王及使

相兼官無單拜者。見任宰相帶侍中者。惟范曾公質以下五人而已。宰相之名自黃虞以來曰六相曰十六相成湯相伊尹仲虺武丁相傳說周時召公爲保周公爲師皆其任也。相國丞相之名始自嬴秦而漢亦有左右丞相。至哀帝而廢。獻帝時始復置。而以曹操爲之。魏晉以來或有相國或有丞相省置無恒。而中書監令常管機要。多爲丞相之任。由是丞相反不爲宰相之任。而常爲輔代之階矣。唐初始定制以三省爲宰相之司。存以三省長官爲宰相之職任。然省分爲三。各有所掌。而其官亦不復一。相職旣尊。無所

不統則不容拘以一職於是始有同中書門下三品同平章事參知機務參預政事之名然所謂同平章事者唐初乃以處資淺之人中世以後乃獨爲真宰相之名至宋元豐以前皆然然宰相者總百官弼天子既不當儕之他官而其上又不當復有貴官自唐開元以來郭元振李光弼相繼以平章事爲節度使謂之使相而宰相之職儕於他官自此始自宋元祐以後文潞公呂申公相繼以平章軍國重事宰相臣上而宰相之上復有貴官自此始然李郭以勲臣名將爲之宜也自此例一開于是田承嗣李希烈之徒

規誨獻告謀猷點檢題奏擬議批答以備顧問平庶
政不得專制九卿事九卿奏事亦不得相關白凡上
所下一曰詔二曰誥三曰制四曰敕五曰冊文六曰
諭七曰書八曰符九曰令十曰檄皆審署申覆而調
劑焉平允乃行之凡下所上一曰題二曰奏啟三曰
表箋四曰講章五曰書狀六曰文冊七曰揭帖八曰
制對九曰露布十曰譯皆審署申覆而修畫焉平允
乃行之凡國家大典禮大政令大事機皆得以預聞
謨謀既定然後付所司行之蓋不與之以相之名而
與以相之實也夫不與之以名則下無作福作威之

輯經籍而已其後多不置至後唐明宗卽位之初僉
樞密使安重誨進讀惜于文義孔循獻議始置端明
殿學士命馮道趙鳳俱以翰林院學士充班在翰林
學士上後又轉改止于翰林學士內選仕始尊矣宋
因設觀文殿大學士資政殿大學士端明殿大學士
資望極峻無吏守無典掌惟出入侍從備顧問而已
觀文殿大學士非曾爲宰相不除與資政殿學士並
以寵輔臣之去位者端明殿學士惟學士久次者始
除其後以待簽樞云中書省正一品初設左右相國
洪武元年改左右丞相有丞屬而中書舍人爲多是

中書之權
六部
刑部
刑部
刑部

年始置六部分理國事而總之中書十一年禁六部
奏事不得關白中書省十三年誅右丞相胡惟庸詔
罷中書省存中書舍人六部分領中書之政二十八
年上座奉天門勅文武群臣自古三公論道六卿
分職自秦置丞相而亡漢唐宋因之雖有賢相然多
小人專權亂政我朝罷丞相設五府六部都察院
通政司分理天下庶務彼此頡頏不敢相壓事皆朝
廷總之所以穩當以後嗣君並不許立丞相臣下敢
有奏請設立者文武群臣核奏處以重刑先是洪武
十五年倣宋制置殿閣學士吏部尚書邵質華益殿

翰林學士宋訥侍左右備顧問未與機務至成祖
首用翰林解縉編修黃淮又用修撰胡靖編修楊榮
楊士奇檢討胡儼金幼孜七人入內閣名直文淵閣
始預機務仁宗又設謹身殿大學士是大學士
有華蓋謹身武英三殿及文淵閣東閣皆在內閣曰
辦事避丞相稱而本官上又加以卿佐師保之名焉
若東閣文淵閣大學士不得旨入內閣亦不得預機
務也嘉靖壬戌新建三殿成詔改奉天殿爲皇極
殿華蓋殿爲中極殿謹身殿爲建極殿而大學士之
稱隨之凡直文淵閣入內閣預機務出納帝命奉陳

以節鎮帶同平章事者。非一人。極而至于王建馬殷。錢鏐之輩。逢蠱起盜地者。皆欲效之矣。文已以碩德老臣爲之宜也。自此例一開。于是蔡京王黼相繼以大師總知三省事。三日一朝。赴都堂治事。以至于韓侂胄賈似道擅權專政之久者。皆欲效之矣。蓋平章之始立名也。本非甚尊之官。及其久也。則強藩權臣皆爲之而居之者多。非其人矣。若唐以前亂賊遞相承襲。以爲竊取大物之漸。又其甚者。由是言之。則我聖祖之見。豈不誠弘遠哉。殿閣學士者。唐始設集賢殿學士。後改爲麗政殿學士。雖繫中書省。然特掌刊

柄予之以實則上賴詢謀咨訪之益。聖祖之貽謀遠矣。自魏晉以來凡吏部屬官悉高于諸曹其選舉皆尚書主之。自隋置侍郎二尚書之事則六品以下銓補多以歸之矣。宋初典選之職分爲四而元豐又更定制度尚書侍郎左右選授勲封考課之政令凡各十五案選法密矣。丘氏濬曰宋以樞密府專掌兵政與中書省謂之兩府今制設兵部以掌兵政所以統軍旅而專征伐則歸之五軍都督府焉兵部有出兵之令而無征伐之權五軍有統兵之權而無出兵之令彼此相維內外相制盡善極矣。

皇明爵祿歷代沿革考

八編類纂卷之十八

圖書編

六曹類

吏曹

秦始并天下，創尊爲皇帝，廢封建，公族無尺寸之土，而猶存侯爵爲三等，以待有功者。列侯則如武城通、武之類，倫侯則如建城、武卿之類，皆有邑名而不稱國。下者則關中侯有封食而無邑名，然皆金印紫綬，而列侯、倫侯至位左丞相之上，尊重者莫如李斯。九卿之見幸有大功者，莫如蒙恬、兄弟而皆不得沾其

封慎貴可畧推矣。漢高裂天下以王諸子弟及大功臣而其次則因秦之舊爲徹侯。亦有關內侯。凡二等。第功臣之爲王。雅非其意。至白馬之誓。而獨侯國存。武帝鞭誅四夷。不愛通侯之印。以待有功者。雖尠細或見錄。天下之壤地不能侯。而國用則益侈。于是苛爲之禁。以伺其過。卽尠細亦見削。而高帝身與共創業之臣。所餘無幾。封拜日下。而侯國不日益。漢地不少損。自武帝而後。封拜之典。削亦漸寡。而終東西二京。其制畧相彷彿。中間雖以呂氏之擅王。與新莽之盜爲公。未幾輒罷。自魏氏之末。司馬擅制。始復爲五

等曰郡縣公侯伯曰縣子曰縣男皆得稱開國金印
紫綬而關內侯有不開國者。顧反君子男下晉氏以
至齊梁陳皆因之。若北魏之與北齊皆崇設王爵以
待勲舊而其更有功則別封郡公侯或一人而偕三
四爵然同姓異姓皆不得爲國王而郡縣公侯益卑
矣。後周宇文泰辭安定王遂以安定公終其身而其
子篡魏建封功臣晉趙等大國然皆稱公而不王。隋
氏因之。至唐而始定以子弟爲親王正一品其稍疎
而有功者爲郡王功臣之有功者爲國公皆從一品
郡公以至侯伯子男則遞降焉。如趙公無忌梁公玄

齡之類皆得世襲而它以恩賜者或世與否自安祿山之爲東平王遂毀周例而踰之然中興以後王公之格益輕至有佩橐鞬捧酒卮而趨走于節度之庭者而封亦不復世矣宋興復唐初之制以宗室之懿叙封王爵而其疎者與文武大臣自國公而下至于男往往以推恩遞進徒以徵其名而已戶不得言祿爵不得言世然猶斤斤守其制焉自蔡京之公有圖而公制紊矣童貫之爲王而王制除矣南渡以後所謂三者遂冒于宰執如檜如侂冑如彌遠矣元承遼金之後王爵尤易卽將相非勲德可以一嚙咲而得

之獨漢人至國公而止明興高皇帝之下建業草創未遑吳元年始拜功臣李善長徐達常遇春爲國公而其他功臣之歿勤事封疆者有國郡公侯伯子男之贈然往往一徇元舊洪武三年始大啓封建皇帝之子爲親王親王之從庶子爲郡王而功臣則公侯伯三等有世襲有流爵罷子男不置公侯位正一品上伯位正二品上朝服進賢官加籠巾貂蟬世襲者領鐵券流爵則否當是時封伯者僅二人忠勤之祿僅當侯三之一誠意至不能當六之一而其輕可知矣十年以後封束筦徽光祿遂與侯等永樂初而

始定居侯之下正一品之上其階勳皆與侯等而伯益重矣凡公侯伯之任人則掌叅五府總六軍出則領將軍印爲大帥督留都筦鑰轄曹綱獨不得預九卿事大抵視一以下獨隆崇云

公侯伯表總叙

余讀高皇帝洪武之三年功令未嘗不三復而嘆也曰嗚呼厚而裁則可久矣當是時封公者六人而魏公功最大祿秩亦最重中山侯宿將也以一言之諄而不獲公德慶侯鉅勲也以一事之紕而不獲公永城封而貶東勝封而奪訓詞蓋凜乎斧鉞焉夫孰敢有恣睢而隕于法者然至安吉江夏臨川東平之類

抑其殲夷狼籍也。三年而後續侯者，獨西番之役最盛。平雲南次之。其他以舊封伯錯封然至藍氏之株累而繼者掃矣。未以馮宋公傳穎公之雄而卒不免。成嫌謂其不蔽法也。可諱之。猶不爲置後。嗚呼可嘆也。太史公曰：網亦少密焉。旨哉。所稱網少密者，人生不睹其先得天下之所繇，是以輕視其功臣。而漢利其土地，人臣不睹其先國之所繇，是以易爲慝而難爲守。明之國邑薄，不過再倍一公卿而已。天子無所利之。然而至嘉靖百餘年之間，初所封六公僅一公在。二十八侯其二侯進爲公者亦絕，而餘二十六侯

一里土乘駟之奉，後封四公二十一侯二伯，亦僅西平武定在耳。其故何也？當是時，天子下明詔收錄故鄂國公遇春、曹國公文忠、衛國公愈、信國公和，後俱爲徹侯，誠意伯基，後仍爲伯，增其秩，天下翕然歸厚焉。而一時奉行之臣不能推廣德意，至使宋穎二公遂不獲一比肩曹衛，而李韓公廖德慶哭江陰靖海之裔，寥寥勒一命之澤，將無望于後聖哉。高帝功臣公侯伯表

文皇帝以建文之四年七月下京師，卽大位，因其年爲洪武三十五年。又二月制詔吏兵部差次從靖難功臣，遂封洪公等二公、城陽等十三侯、興安等十一

伯已又錄降附功增曹公歲祿封永春一侯忠誠等
三伯、明年封駙馬都尉袁客等二侯、遂追舊功封豐
城一侯、寧陽等五伯、三年復追舊功進封新城侯、至
是靖難封始寃六年論平安南功進封新城西平二
侯皆爲公、增豐城侯雲陽伯祿各五百石已進清遠
一侯安遠建平二伯終文皇帝之世凡再大封至睿
皇帝之元年論奪門迎駕功進封武清侯爲忠國公
封太平一侯興濟文安等四伯已又封武功一伯自
是終諸帝世僅一大封而其它破軍殺將搃亂僞工
之特封者不與焉嗚呼靖難諸將臣從藩邸起以一

旅之師彈丸地出萬死者三載而遂奠宗社于泰山之固此其績誠巨然英主實在軍攻堅履危斷自神援又大戰不過十餘所定軍府不過三四而已毋論中山開平其視曹衛宋潁而下抑何徑庭也定興之掃安南固自偉亦何能超潁川之下滇蜀且久復失之今高帝之盟白馬指黃河而誓其功臣鮮有存者易世而後所當僅如綫之虜與萑符之盜鹵級數十以至百積封自伯而至侯遂有公者今胡以貂綿蟬聯也以此况彼誠不可同年而語自孝宗而後執政者始知愛守名爵不輕畀而不能無畏于首尾未

取一一釐正之。然至新建之取叛王，不煩天子置書，不費太倉水衡金錢，縛之于股掌，寧遠之摧東虜，積纒至萬餘，其所遺敵固皆瑕。然其績豈與他徹侯等而縉紳大夫猶斷斷有後言者何也？少所見，多所怪，怕也。又陋而不習掌故。

永樂功臣公族伯年表

內閣故翰林學士任也。始高皇帝渡江，剪荆棘，不暇給矣，而稍從諸儒生受經，而是時弘文學士其最貴，幸常帷中寄丞相以下，亡敢望之。已蓋勳，業進學士承旨同及濂，濂又最幸，得偕上坐起，其大抵紀註言動，備領問云而上時時授以旨，使爲詔。

草瀝獨多所當久之上倣宋益置華蓋謹身文華武英四文淵東閣二俱大學士秩正五品徵諸明經長者以次代擢而會丞相惟康敗析中書六之尚書寄天下任而大學士稱近臣不爲置僚屬亡所治天子方自操威福亦亡所寄裁至文皇帝繼大位始卽文淵閣召待講七人日入直左右已益親重上所與謀群臣甚秘稍遷至大學士歲時賚予同尚書矣仁宣朝用太子經師恩累加至三孤益崇而宣皇帝右文遇殺內柄無大小悉下大學士士奇等取報行而吏部蹇義戶部夏原吉以不時召得迭入省可六尚書

其士奇均而大學士陳山等或鮮所關預豈無顯
尊上輕重裁耶論道之體剝尊仁宜迨景及憲大
權始集今視之赫然真相矣夫閣于禮至貴佑也視
百司乃無重相壓何以相稱焉其喜怒借上意故上
不嫌逼也威福間已意故下屏息也剝自由六曹故
難不與也取以詔行故衆無敢訾也賢者當之不見
跡而治不肖者當之不及敗而亂此在人主擇矣內閣
輔臣平
表叙

漢承秦制設丞相大夫以至九卿而罷三公不復設
至安漢公莽竊政始自爲太傅而以虛名鼎焉丞相

孔光爲太師東漢以後惟代置太傅一人踞三公上而隆其秩曰上公至董卓竊政自相圖拜太師踞諸侯王上而幾成鼎革矣晉以避諱故改太師爲太宰然猶在丞相下大將軍大司馬太尉司徒司空上江左以後自王導謝安外非宗屬尊貴者亦不及而北魏之季太師與大丞相並加以待執國之臣北齊因之太師與太宰並設而序遷太宰乃叙遷左右丞相則又舛矣宇文泰之執國始倣周官自爲太師大冢宰兼總五官之柄而宇文護因之乃欲與三代比隆得哉自隋追唐大抵以太師太傅太保爲三師曰上

公而以太尉司徒司空爲三公而宋氏亦因之然三公不時置而所謂三師者抑何寥寥也太師重矣乃有謂太尉次重寧與太傅而不與太尉者宋徽宗敦和定官制如以太宰易左僕射少宰易右僕射爲真宰相太師太傅太保爲三上公以少師少傅少保易太尉司徒司空爲三孤無職而有秩以隆宰執之資深績業者南渡而後因之元人得中土置公孤皆如故而益以太尉司徒司空環衛之微與言色之昵合朝拜幕加不可勝紀明興高皇帝始釐正之罷太尉以下官而李韓公善長徐魏公達以舊德元勳

爲太師太傅亦無職事不置椽屬洪武十三年罷中書省采御史言欲特置三公府竟不果而僅設四輔官位尚書上聘耆儒自布衣徑爲之賜坐倡和分四時以示燮理之任而無何復罷師傅之官自魏公夢韓公雉亦絕響矣將下視博采鮮所當意所謂無其人則缺者耶建文永樂代不置此官仁宗初卽位謂群臣皇祖考神聖無所藉毘師傅卽眇末何敢于是拜張英公輔太師沐黔公晟太傅陳寧陽侯懋太保蹇吏部義自少保屢進少傅至少師楊殿學士奇自少保進少傅夏戶部原吉進少保于是公孤之官

端矣。然以是寓美稱耳。非必有燮理之實也。獨宣德三年詔太師輔少師義少傅士奇少保元吉太子少傅榮俱輟所領從容謀議以不時召對凡所游幸必從庶幾若直授矣。而士奇榮理閭務如故。自是而後三公僅公侯伯而文臣隕三孤以爲常。嘉靖二年以太學士楊廷和一品滿十二載且有定冊功加太傅。四辭而止。萬曆九年大學士張居正一品滿十二載遂拜太傅。其後病甚以遼左功加太師不及拜。縉紳乘而譏之以爲非故典。然而嘉靖中加大同帥左都督周尚文錦衣帥左都督陸炳武弁也。其非故典尤

甚而未有譁者何也夫燮理責之執務論道以施乳
吳即公侯伯奚取焉然則文臣而加者非德媿則譁
非勩崇則譁非齒宿而資重則譁以譁江陵可也夫
四者備矣而譁不必也政和之制有以太尉冠武階
于義竊謂可取云

公服表

高帝初因勝國之制自太師至賓客皆無所關掌而
詹事以下至于坊局始實爲官臣然洪武元年丞相
善長達平章遇春帶少師少傅少保右都督馮勝帶
詹事平章廖永忠趙鏞帶副詹事都督康茂才等帶
左右率府使副御史大夫湯和鄧愈帶左右諭德中

永劉基章溢帶贊善大夫善長基溢理省臺幾事煩
日不暇給而達遇春等諸大將帥征討之不遑然則
以虛名被之而已所日授經者宋濂輩耳洪武二十
二年公馮勝傳文德領太師公藍玉李景隆領太傅
公常昇族孫恪領太保而尚書詹徽兼少保尚書楊
靖領賓客亦不聞有關掌永樂初以公李景隆丘福
領太師朱能領太傅尚書蹇義金忠侍郎墨麟領少
傅事而學士解縉等七人皆兼坊學士庶子諭德中
允等官顧獨僧姚廣孝專爲太子少師會上符北
京廣孝與義忠麟留輔太子學士楊士奇亦以諭德

輟閣務輔太子而自是以後三師至賓客乃爲虛銜

以待文武臣之資重或有功者

東宮三師表

學士非古官其職初散寓于中祕諸省至唐文皇開
天策府而始有學士之目武后中復置北門學士間
以親暱充之如漢鴻都而加重其後至德宗朝始定
設學士繫銜于翰林與中書舍人對掌內外制然無
定品往往寄祿于他官其資重者至散騎諫議而淺
者僅拾遺參軍尚不能與舍人埒獨其長一人最貴
曰承旨往往竟拜宰相其次亦不失二司觀察卿監
至宋一切因之而益加重然不爲定品如故元豐制

行。自是稍有恒秩。元之初，興定學士承旨，正三品學士以下遞降有差。其後進承旨爲從一品，視中書平章政事。學士視左右丞。太祖初下江南，庶事草創，有所聘擢，以備顧問而已。吳元年五月，始置院學士，正三品，侍講、讀學士，正四品；直學士，正五品；修撰、典簿，正七品；編修，正八品。洪武二年正月，定學士承旨，正三品；學士，從三品；侍講學士，正四品；侍讀學士，正五品；典簿，正七品；待制，從五品；修撰，正六品；應奉，正七品；編修，正八品。典簿，從八品。九年閏九月，詔承旨與六部尚書同。然班在其上。十四年罷承旨，直學士

待制應奉檢閱典簿十八年三月始定置學士一人
正五品侍讀講學士各二人從五品孔目爲首領一
人未入流侍讀侍講各二人從六品五經博士五人
正八品典簿二人從八品侍書二人正九品待詔六
人從九品皆稱屬又修撰三人從六品編修四人正
七品檢討四人從七品別爲史官亦係屬焉是歲侍
讀始列侍講前建文初大有所更置然于職分無損
益永樂初仍高帝舊尋擢史官解縉而下七人入內
閣預機密典綸綽然自學士王景卒解縉胡廣楊榮
輩猶相繼領院篆洪熙之歲大學士士奇驟遷至三

孤踞六曹上遂不復領院矣第文淵內署與諸曹異
文移往復猶以翰林行之今雖稍稍變革而猶有一
二存者如史成焚草中貴傳亦猶傳大學士爲翰林
學士翰林公署中左設大學士三座學士一座而講
讀學士東西對列是也學士秩雖卑而職與內閣通
翰林諸學士表

尚書非周官也自秦寄國事于丞相而內庭有尚書
其爲令丞不可攷但其職惟以通章奏而已漢興至
武帝而始削丞相權躬自攬斷而中書令以叅尚書
至臨崩而始命大將軍霍光領尚書事裁斷萬幾可

丞相
則亦不領

否。保護萬乘。兼馭宮禁。而九卿將軍守相所諮。自不
之丞相。而之大將軍。富平繼之。稍自抑絀。至大將軍
王鳳。而復修光故事。權至侔人主。丞相取充位而已。
成帝始置尚書令各一人。尚書四人。凡四曹。曰常侍
曹。二千石曹。民曹。客曹。後又益四直三。三公曹。是爲五
曹。然不過一大將軍掾屬而已。後漢光武不以政委
三公。天下章疏皆尚書與人主叅決。乃下三府而至
孝明以後。天子初即位。輒置錄尚書事。以太傅居之。
或以太尉參之。然時置時罷。而令僕射及尚書號入
連。其可否庶務。即今之內閣。而案考巧法。詰責公卿。

又有今所不敢望者。然令秩不過千石。僕射公百石。尚書六百石。銅印墨綬。令以久次始得爲郡守。用望遷九卿。而尚書至有補大縣令者。以故委寄雖重。而不敢萌肆心。至魏晉時。令僕不出爲他官。往往逕爲三公。如山濤衛瓘。或領開府。如荀勗而居。端揆自命矣。魏分尚書五曰吏部。左民。客曹。五兵。度支。晉分爲六曰吏部。五兵。客曹。駕部。屯田。度支。而尚書始以其職入銜矣。渡江後。史爲吏部。祠部。五兵。左民。度支。凡五。歷宋齊梁陳。又加都官爲六。當是時。六尚書雖分寄省事。于令僕不稱屬。而吏部尤重。沿至北齊周隋。

有錄公則錄爲真相而令僕爲參執無錄公則令爲真相而僕射爲參執無令則僕射真相矣而中書主奉行門下主封駁與尚書省次體而爲參執唐自太宗爲尚書令遂罷令不復置而至高宗以後左右僕射爲左右丞相姑美其名以爲侍中中書令優老之階而歸重文武二選其後遂以中書令爲右相兼文部尚書而李林甫楊國忠居之左相兼武部尚書而李適之陳希烈居之尚書之重蓋未有甚于此時而左相武部其權寄不能右相文部之士二亦人主爲之低昂耳至德以後侍中中書令復以重故爲勳臣

加秩而二侍郎同平章事爲真相資望之深重亦有
至中令侍中者其左右僕射或以爲加秩或以優資
大抵省事非關係天下大計而六尚書亦因之矣宋
初以至元豐政和淳熙宰執之更改不常而六尚書
之係尚書省如故元制中書省令丞相平章左右丞
叅政以釐天下之務而吏戶禮兵刑工六尚書爲曹
官率屬分職其尚書省遇理財則以權幸臣爲之往
往奪中書權然不數歲輒革而以尚書部隸中書省
于職名頗不維矣明高皇帝下江南卽置行中書
省自頒之卽吳王位改置中書省而于六尚書勢不

遑設洪武元年始備六尚書皆正三品而侍郎正四品郎中以下品秩有差而皆隸中書省一仍元舊獨戶部事煩設三四科尚書尋亦罷十三年丞相胡惟庸以專擅蒙蔽誅分其職于吏戶禮刑工兵部分五大都督府爲五而攝其樞要于兵部陞尚書正二品左右侍郎正三品雖並稱政府而名位不極事權不專天子之威福無下移蓋隱然周世六官之嫌而獨家宰不制國用司徒不掌政邦教以此小異耳建文之主歸重左班以故進尚書正一品增設侍中正一品侍郎品如故欲以踞五都督之上而權輕位崇遷

拜太驟識者以爲未然。至文皇卽大位而悉從洪武之舊矣。是時改北平故燕國爲北京。設刑部尚書以總布按二司事。行都督府總都司永樂四年上狩北京討北虜經畧定鼎之業。雖備行在九卿然皇太子以元良監國大小庶務悉以委之。唯封爵大辟及除拜三品文武職六科都給事中以聞。而戶部主糧餉兵部主軍旅禮部主朝儀始以行在尚書夏原吉方賓昌震扈從而九卿印務往往令原吉兼攝。是時六部政本猶在南。十七年而皇太子歸青宮以皇太孫留守南京六部政悉移而北。十八年行在六部行

事非人

在詔九卿皆稱南京洪熙元年天子留意豐鎬諸九卿大小之在南者皆落南京字而六部復稱行在宣德三年始定如永樂弘正以還內閣日益重而六尚書日益輕然老臣勲業稍重加三孤東宮三師共吏兵之長猶能與之抗而主分宜之得政則若外藏矣江陵之當國則若曹郎矣

六部尚書表

都察院古御史府也自周官御史掌贊善授法令秦人因之自漢益重置大夫以貳丞相銀印青綬位上卿于萬機無所不參攝每丞相關則大夫以次選代成京之際遂爲大司空與丞相大司馬俱封侯位三

公金印紫綬後雖旋復旋改而建武以還遂定與太尉司徒仍三公故鼎足承君矣當御史大夫有中丞二在內則掌蘭臺秘受公卿奏事舉劾按章外則督部刺史與丞相司直司隸校尉察舉非法自大司空設而中丞廢獻帝時尊權將曹操并太尉司徒中丞相俾任之而郅慮以御史大夫爲之副然不復置中丞至魏黃初建司空官仍罷大夫不置而歷晉宋南齊朝以至北齊後周別設中丞主臺事而御史府自是稱臺矣後魏以至北齊改中丞爲中尉最號雄峻若李彪崔暹之類糾按貴戚威行朝省邛邛帝子之

尊尚假赤捧之威以自張。餘可推也。隋始復置大夫。罷中丞。唐初亦因之。有以其官爲大司憲者。以臺爲正肅者。而職任如故。開元之際。復爲御史臺。而大夫與中丞不並設。其職俱以振綱紀。察奸弊。中丞秩雖卑大夫。而雄峻過之。至有逕入相者。宋初有中丞而無大夫。其屬有侍御史。監察裏行。知雜之類。大約三司使。學士承旨。以爲班知諫院。司諫正言。以爲表裏。參知樞副承郎。僉院。以階進。監司牧守。以待遷。至元而尤重其任。設大夫從一品。中丞二品。侍御史從二品。治書侍御史正三品。皆爲長官。當是時。札牙篤帝

有恒言中書省樞密院吾左右手也御史臺治吾左
右病者也旨矣明興其初制一循元舊當是時左右
大夫湯和鄧愈數膺斧鉞寄外出而中丞劉基章溢
理臺事其後汪廣洋陳寧輩俱遷大夫洪武十二年
胡氏之事發而御史臺僅設左右中丞俱正二品侍
御史正四品而已十四年始改爲都察院然僅正七
品其官有御史而無都御史十六年仍爲正三品明
年爲正二品于是定設左右都御史正二品左右副
都御史正三品左右僉都御史正四品職糾劾官邪
申辨冤抑而所屬御史分爲十三道御史巡按以至

都察院亦
有出院
事例

他公委出則奏請還則考績然御史獨不係都察以
示相得糾察之意建文初改爲御史府都御史一員
左右副都御史各一員品如故故十三道御史曰左
都察院監察御史永樂鼎革悉復洪武之制其後移
都察院于北京而留者曰南京都察院畧如六部矣
其以左右都御史而下總督提督叅贊撫各鎮者初
自本院出曰公差事或得代則回理院事其後不勝
多則往往自部佐卿寺藩臬遷轉亦不復歸院以爲
衆御史大夫中丞左右都御史及左右都御史出鎮
者

都察院左右
都御史表

高皇帝初中山武寧王達等下陝西遂悉平甘肅寧夏諸鎮秦慶肅三公鎮之而侯伯都督耿秉文等理兵政間命宋頴諸國公一按閱操練而已永樂始命寧陽侯陳懋西寧侯宋晟鎮寧夏寧遠侯何福等鎮甘肅而文臣不過分理文移治糧餉而已正統初西虜弗靖始命兵部尚書王驥提督諸軍据總兵官任禮蔣貴上討平而陝西右都御史王文陳鑑分歲鎮守然寔未嘗合三鎮而歸一總督也成化初滿政據石城叛詔左副都御史項忠總全陝三邊兵討之已詔右都御史王越右副都御史馬文升總兵如之然

有事而置事已則革不爲恒也弘治十年始起王越以太子太保左都御史總制禦火篩十一年二十五年秦紘以戶部尚書守如越自是定矣嘉靖十九年避制字改總督

總督陝西三邊都御史年表

洪武元年師未下廣東西命永嘉侯朱亮祖出鎮廣永樂中廣西則都督韓觀山雲侯柳溥相繼爲大帥得專征及誅賞獨有文臣督攝之寄至正統十四年苗寇蜩起廣東則命侍郎揭稽廣西則命侍郎李棠各巡撫之然二廣地勢犬牙賊東西豕突來往叵測而武臣自守便利不相策應天子用兵部尚書干譏

言命太子太保左都御史王翱總督兩廣軍務總兵
以下悉聽節制一切便宜從事然事已即歸不恒設
馬昂再以提督至葉盛以巡撫至成化元年復命都
督趙輔率大兵討之陞浙江叅政韓雍爲僉都御史
贊理軍務然于制書特重雍旣平寇遂命總軍務兼
理巡撫久之雍以南廣土地廣遠恐餘孽復生重貽
邊患請于朝願得文武大臣分理其事上命副都陳
讓撫廣東僉都張鵬撫廣西而雍專治軍尋以憂去
五年復起雍以右都御史總督兼巡撫于梧州開設
總府居中調度兩廣副總兵叅將而下悉聽節制而

兩廣巡撫不復設。仍統于總督。正德十一年改都督爲提督。嘉靖四十五年因廣東寇發。遙制不便。兵部題准。總督軍務止。撫贛西。于廣東另設巡撫。至隆慶

四年改總督閩廣兼理糧餉。巡撫廣東。于廣西另設

巡撫

總督兩廣軍務年表

永樂中皇太子監國。南都府部大小諸臣六軍安堵如故。自二十二年皇太子即位爲仁宗。亡何晏駕。皇太子來自南都即位。是爲宣宗。始制詔太監鄭和王瑾總下西洋及留水陸兵馬與駙馬都尉沐球襄城伯李隆同督守備。于是和等稱內守備。琮等稱外守

備而亡何琮罷隆專督守備久之以南京戶部

黃福參贊機務參贊所理專外守備亦時與內守備
參蓋位差亞而權實重

南京守備協同參贊大臣年表

國子監古太學也祭酒古宴賓之尊長者先舉酒而
酌地者也博士有之郡邑三老亦有之至晉而始以
祭酒屬國子遂爲諸生師高皇帝因元之舊不廢
其僚有司業監丞博士助教典簿正學學錄掌饌之
類祭酒正四品尋降秩爲從四品以鳳陽爲中都亦
置國子祭酒未幾革永樂間都北京設國子監其國
子監冠以南京

國子祭酒年表

三省之意古與今大畧相同、但前代都未盡善、中書尚書官尊得門下省相爲持衡、惟漢武宣以任宦者、弊於褻成帝以更士人、弊於輕晉宋而來以屬相臣、弊於合光武事歸臺閣則繼之者、弊於尚書任重魏置秘書令監典尚書奏事則中書密勿、弊於尚書疎遠東晉南北朝天子以待中常在左右、弊於權歸門下唐武德中門下省署政事堂、開元後移政事堂於中書省、皆先議同而後行之、宋宰相兼統三省、以三省爲空官、元以中書省爲都省、弊於和光而無建自呂公著司馬光請三省合班奏事、分省行事、議省謂

臣進呈不應自駁已行之論蓋無補於事也宋宰相
相符合三省所籍後省給舍尚存叅復之意元豐制
則以給舍爲宰相屬官由是風采蔑聞矣我朝太
祖深識此意重六科封駁與天子抗議而特卑其銜
超越前古之見其一洗諸弊者乎三

景泰間以易儲事文武大臣各進師保之銜天順初
悉革罷天順五年曹欽反李賢幾被害獨加太子少
保至成化初復加少保吏部尚書王翱加太子太保
其後或以考滿加或以論功加漸無制矣故以道德
爲王者師官不必備惟其人乃借爲勲恩榮資之資

不惟溷王者不僭之賞抑所以長臣子自恣之心至於身故濫爲贈典則尤其無謂者矣

諱

永樂初建內閣於東閣門內取翰林解縉等七人在閣辦事止以備顧問官銜學士而已終永樂之世楊士奇楊榮官止五品是時尚沿太祖之意欲卑其銜以殺其勢至仁宗朝其意漸失一在閣資深又東宮誼厚乃陞楊士奇爲禮部侍郎尋加少保轉少傅兼華蓋殿大學士楊榮爲太常卿進太子少傅兼謹身殿大學士楊溥爲太常卿兼翰林學士此三楊特恩破格之始也後楊榮陞尚書授以工部蓋不欲以

兼官壓六卿之上。楊溥丁憂起復不入閣。宣德間。因九年考滿陞禮部尚書。至英宗時復命入閣。故宣德以前。內閣與外九卿爲平交。執禮持法。不相顧忌。宣德以後。三楊眷重。漸柄朝政。英宗以九歲登極。事凡啓。太后。太后避尊。令內閣議行。此內閣票旨之所由始也。然三楊權在不妄用。及楊榮卒於正統五年。楊士奇卒於正統九年。楊溥卒於正統十一年。則漸改於其舊。及景泰易儲之後。雖天子亦籍內閣以爲已用。但其官品如蕭鎡。江淵。許彬。王一寧。商輅等皆不脫學士之銜。天順初。李賢始以兵部侍郎陞

吏部尚書兼翰林學士入閣薛瑄由大理卿陞禮部侍郎兼翰林學士入閣成化弘治多由侍郎陞尚書入閣若先陞尚書則無入閣之命至正德初劉瑾亂政其黨焦芳直以吏部尚書入閣蓋以外寮之首而入主中秘之權然亦陰執其柄至張孚敬則直以相體自尊危坐諸卿之上而名委之以後則廣容奔競典內則禍福響應漁外則鯁將鱗集有不可勝言者矣

內閣

問吳元年置翰林院開禮樂二局洪武初局廢已而設學士承旨侍講侍讀直等學士及典簿待制修撰

應奉編修典籍檢閱官洪武十四年革承旨直學士待應奉檢閱典簿又設孔目五經博士待書待詔檢討至十八年定學士侍讀侍講學士爲正官孔目爲首領官經博士典籍待書待詔爲屬官編修修撰檢討爲史官又有秘書監弘文館起居注亦皆革先是十五年倣宋制設華蓋武英文華殿文淵殿東閣大學士後先創革必有說乎曰高皇帝初定東南首召陶安爲學士制度儀章悉安所議嗣是宋升詹同宋濂魏觀劉三吾葛鈞皆有籍焉洪武初典禮肇修局且廢制誥記史藝翰有國之首翰乃立諸員而總

以學士爲提綱學士文學之成者以之侍其讀侍其
講以觀其所御其考經執籍執書應詔更以供其所
役編焉撰焉檢覈焉以記其所行此建置之周也中
間謂其繁而革之亦各有指殿閣之沿於古即承旨
學士直學士之職也制應奉即知制誥之事也檢閱
即檢討之官也秘書監即典籍之司也起居注即史
官之業也弘文館即五經博士之屬也蓋廢置有因
典司無缺而設立甚明其後不就列陳力典司者本
直原司制誥非承旨舊意修書非史官故業撰著非
學士本色或非昔之舊矣

林

國初立大本堂合親王居之是時制未全備承襲閭
定文華殿講義師少詹事鴻臚給事衆官講畢齊出
及有召問衆官亦必齊入若獨進獨留許給事鴻臚
司直清紀糾劾天順間革選秀才以充伴讀皆所以
慎清接與不令見聞之雜也官僚

詹事府掌侍從兼輔東宮舊設司直清紀職掌糾彈
今官且不設決兇繩愆糾繆哉司直清紀

漢初以合治矣其終也以分侯王而亂唐初以合治
矣其終也以分藩鎮而亂宋初以合治矣其終也以
分南北而亂正統而後或變生于腹裏或驟起于邊

有好延益
則德皆可
無

陸而諸邊諸省一時撫臣多不能振聯屬之策興討
罪之師保境以自全櫻城以自守直爲是懔懔爾若
虜之也先河北之趙賊西蜀之廖冠江西之華林及
藩蒙八閩之鄧茂楚之麻陽廣之岑猛滇之麓川猺
獠震蕩而各省撫臣皆相視而莫之能相救必設總
督而後能平之彼其時非盡撫臣之怯也亡筭也爵
並權均夫兩大不能以相使而況十數大乎勢分故
也列聖振長策而議聯屬邊方腹裡多設總督以
聯屬而節制之若連環然且頒之勅如一省難作則
總督調近省之食與兵或擊其首或邀其尾或伺其

得其人

左或肩其右有難則合制之難已則散而歸之無借
兵之苦無萃食之擾語曰分指之十彈不如合掌之
一擊此分合利病之說也制勢之策善之善者也難
之者口多設總督恐多變則不便恐多費則不便不
知今天下總道已設總督矣宜大山西又總督以聯
屬之陝西三邊又總督以聯屬之四川雲貴湖廣嘗
設總督矣事平罷不設假令至今存也調諸省之食
與兵撻而制莽西耳且兩廣有總督矣閩浙直又設
總督以聯屬之事平又罷不設假令至今存也調諸
省之食與兵直拉朽而誅浙兵之亂矣近又從言者

河漕總督得提督南北直隸山東河南之兵浙江江西湖廣之食是中原一總督也。即有師尚詔者弄兵釜中第合諸路坐而烹之爾。惟河漕大臣不當令兼巡撫鳳陽爾。夫鳳陽乃是陵寢之所鍾也。中原之所樞也。其地重其勢凜。烏可以河漕帶爲也。且古治水者八年萬里于外。又安可匏繫一隅哉。決以另置巡臣便。由是言之。則邊海增兩總督足矣。鳳陽增一巡撫足矣。增三臣而天下安何費之足云。且無庸言總督不得侵巡撫之權。有事則巡撫不得抗總督之命。若川雲總督當駐滇。或兼巡撫閩浙。或

兼巡撫尤屬省便又不必增官矣河漕總督中原當
駐淮而江壯巡撫當駐鳳陽此大聯屬勢也而鄖陽
蘄州之軍門又小聯屬勢也如此則常合而不分督總
問總督軍務官本朝始於何時曰都御史總督軍務
自正統四年麓川之後王驥始也總兵官悉聽節制
既以兵部尚書帥師當王振好大之心遂擬糧儲故
事糧儲稱總督宣德中始也繼是而已已之變虜薄
都城石亨營城北于謙督之孫鏜營城西則江淵叅
之而已繼是而四方多警類率如例如馬昂於兩廣
石瑄于關外王來於湖廣侯璉於雲南然事平則罷

又繼是景泰天順及成化初白圭葉盛韓雍等皆稱提督意屬協同勅以贊理爲云又繼是則爲任官矣成化六年開總府於梧州此任官之所由始也三邊總制自弘治末年秦紘楊一清張泰始便於徵發策應今亦爲任官夫議者秉低昂文武之鈞濟兼制勦緩之術是矣而進止異同束於和混内外援請隱於奸宄其能制而協之更當潤餘令必無伏機不亦盡乎又繼是而陳金華陽之役陸完劉六七之役至統制七省者後事而或接以爲例其必有慎而駁之則

可矣

總

天下設巡撫都御史洪武未有也 太祖不欲以重

臣令與錢糧兵馬永樂十九年勅尚書侍郎都御史
少卿等官十三員各同給事中一員巡行天下是謂
巡撫宣德間令巡撫官每歲八月一赴京議事蓋不
欲踈逖以懸機重景泰四年纔差都御史其意尚在
執持風紀有故則入叅廟議而握蠹之柄則有司存
自是則曰整飭曰提督曰總制曰鎮守又復興兵部
尚書侍郎之職兼都御史百寮群將俯首聽一人之
謀似于兼制少踈故復以巡按權叅殺之然表裏異
同痛癢不相關而司鋒鏑者每掣肘不能自盡是近

年失事并罪撫臣誠得肯綮而當道執要可愈施矣夫天順間石亨曹欽請罷巡撫正德間劉瑾取回巡撫彼固借私以逞要亦不爲無說苟使其置布腹心則其爲毒又不可勝言撫巡

問巡按御史復命以銷繳勘合七分爲稱職近固即其數而踰之者矣舊百執事各職其所司而今巡按百務萃攬事大繁而反易集謂之何哉則其所爲集知非昔日之詳也曰按憲綱巡按受理詞訟必自各衙門斷過不公者其所受理必親決不令批發懸意向於喜怒夫然事可直見而上下附同之流塞矣起

太祖設科官始示名元士又名士源蓋言繫之重也弘治前以進士筮仕注銓意在初出仕人無世情入心必能恪守成法率真不懼弘治十五年馬文升題議始開行人博士兼除之例而推官知縣行取入選則正德中始也國初新進士分習九卿衙門各衙門朝夕親試堂上官以其通敏諳歷穎出者咨銓司首充科選

六科

問科道部屬陞小京堂宜否乎曰此弘治初例也超授任賢亦何不可直須慎用之耳天順以前方面勢

重又不爲部使所困其遷轉與小京堂等成化間始
重小京堂之職內閣吏部乃以是推爲駕馭科道之
法成化末知釐此弊不許科道陞轉只于郎中內選
用弘治改元乃始有兼補之例近來則全以吏部科
道充之夫欲重其任則輕其銜祖宗用人本意蓋
隱其後以殺之所以恃心不萌而逸意自戢今必并
其所後而便以圖焉非法之宜也

小京堂

問推用方面官吏部舉兩人以聽簡任例始何朝曰
此天順末年例也李賢在閣爲之宣德間三楊用事
勅方面有缺今在京三品以上官舉保親民要職盡

出私門銓曹專業乃成虛設矣此可行於三楊而不
可行於後世三楊後此例亦罷止吏部查各衙門歷
俸淺深奏除夫查其年資出補固必然之限而低昂
品器復所不能齊試課稽覈是持過此以往則未之
或知耳

惟用
方面

問兵備憲員始設於何時曰此弘治間例也馬文昇
居本兵慮武職不修故增一臬員以勅之時內閣劉
健力阻而不欲行後因奏設九江兵備都給事中夏
祚疏論不可着劉馬回話劉馬皆秉正未克濟時而
議見迥不協何也劉欲修祖宗之舊以振武備馬則

拯倉卒之急以釐宿滯

兵備

天下教官幾三千員注銓者以御末才舉人乙榜令就教洪武十八年例也而今故以耽鈍居乙榜以應之正統八年令副榜限年非三十不除蓋惜之也歲貢令就教景泰元年例也而貢至景泰非衰敝不能與納馬納粟四十五歲令就教成化元年例也而其意固將以備雜流矣弘治間懲其大甚一切革不准除正令舉人歲貢及進士內外見任官科目出身願就者聽弘治十五年許教官如憲綱例入御史選然不能實崇之使得盡職抑末矣今之部使効有司不

職則曰堪以任教。夫模範不立。乃欲責士以行。豈不
甚難矣乎。今欲尊師察覈士。養慮於貢員。未澄欲並
用三途。慮于貢法無制。古鄉舉里選。以得士而令獨
不可行乎。若科甲之外。依古薦舉。而充歲貢之額。嚴
其法。必得真才。而並用以爲教。豈不爲養士之聖哉。

後

本朝武選之途。其初深重。錄蔭。洪武二十二年。兵部
五軍府官奉旨。華蓋殿衛所官員。不肯教兒子弓馬。
如今但有學唱的。割了舌頭。下棋打雙陸的。斷了手。
蹴圓的。卸了腳。做賣買的。發邊遠充軍。已而將軍左

衛千萬虞讓男虞端吹簫唱曲將上唇連鼻尖割了
龍江衛指揮伏願與小旗姚晏保蹴圓卸了右腳能
不驅而自盡其職其後安於世冒純褲恣情不得已
而思收異才宣德五年正統八年成化八年各有旨
令天下保舉有謀勇者用之其天順八年始開武舉
成化四年弘治十七等年各有叅定條例然所取甚
少初止取二名七名至十五名三十餘名及嘉靖年
間應襲大舉故此途漸重乃非武舉不得陞調於是
世胄擁爲虛器而功臣之澤斬矣

武職
階貴

霍韜曰國初用薦舉爲重貢舉次之科舉爲輕今則

舉爲重貢舉次之薦舉不行矣故有行同盜跖心
同商賈者能染翰爲文俱隸仕籍此士風所以益偷
也萬舉

謚法

〔文〕 經緯天地 脩德來遠 勤學好問

道德博聞 慈惠愛民 敏而好學

慈民惠禮 剛柔相濟 忠信接禮

脩治班制 施而中理

〔武〕 克定禍亂 保大定功 威強敵德

剛強直理 剛強以順 開德斥境

拆衝禦侮 刑民克服

〔成〕 禮樂明具 持盈守滿 遂物之美

通遠強立 安民立政

〔康〕 安樂撫民 溫柔好樂 令民安樂

淵源流通

〔獻〕 聰明睿智 響應內德 智質有聖

〔懿〕 柔克有光 溫柔賢善

〔元〕 體仁長民 行義悅民 道德純一

立建國都 思能辨衆 立義行德

〔章〕 法度大明 敬慎高明 出言有文

聖

著意大圖

由義而潛

布義行剛

宣

施而不私

善問周達

誠意見外

聖善周聞

明

照臨四方

任賢致遠

獨見先識

諧愬不行

察危見情

招集殊異

昭

明德有功

聖聞昭達

昭德有勞

正

內外賓服

恭

卑以自牧

尊賢貴義

不懈爲德

敬事供上

愛民弟長

執禮御賓

尊賢讓善

執事堅同

敬順事上

正德美容 既過能改

莊 嚴敬臨民 威而不猛 履正志和

肅 剛德克就 執心決斷 正已攝下

穆 布德執義 中情見貌

淵 避遠不義

定 安民大慮 安民法古 純行不爽

簡 治典不殺 平易不訾 正直無邪

一德不懈

憲 賞善罰奸 博聞多能 行善可紀

敏 應事有功

守禮執義

敬 夙夜警戒 夙興恭事

介 執一不遷

裕 強學好問

通 物至能應 事起而辨

白 內外貞復

靖 寬樂令終 恭已鮮言 柔德安衆

賢 行義合道 明德有功

貞 清白守節 大慮克就 不隱無屈

季 慈惠愛親 五宗安之 大慮行節

能差能恭 繼志成事 協時肇享

秉德不回 幹蠱用譽

忠 盛衰純固 危身奉上 推能盡忠

廣方公正 臨患不忘國

惠 愛民好與 柔質慈民 施勤無私

柔質愛諫

和 柔遠能邇 不剛不柔 號令民悅

推賢推能

安 和好不爭 兆民寧賴

質 名實不爽 忠正無邪

靜 柔德教衆

烈 安民有功 秉德尊業

禮 奉義順則 恭儉莊敬

威 賞功刑懲 以刑服遠 猛以強衆

強義執正

勇 率意共用

義 制事合宜 見義能忠 先君後已

取而不貪 除去天地之害

剛 強毅果敢 追補前過 致果殺敵

壯 勝敵志強 敵圍克服 死於原野

兵甲亟作 屢征殺伐 武而不遂

潔 不汚不義

節 好廉自克 謹行制度

襄 闢地有德 甲冑有勞 因事有功

愍 在國逢難

良 小心敬事 溫良好樂

勤 能修其官

密 追補前過

溫 得性寬和

榮 寵祿光大

順

慈和徧服

和比於理

慈仁和民

儻

小心畏忌

無過爲儻

質淵受諫

小心恭慎

純

中正和粹

果

好力致勇

好學近智

修

勤其世業

顯

行見中外

恪

敬共官次

威容端嚴

溫恭朝夕

毅

善行不息

溫仁忠厚

能紀國善

思

追悔前過

念終如始

謀慮不僭

外內思索

容 寬裕溫柔

懷 慈仁短折 失位而歿

隱 懷情不盡 不顯刀國 隱拂不成

見美堅長

悼 肆行勞祀 年中早夭 恐懼從處

愁 以德受官 以功受賞

愿 弱無立志

匡 貞心大度

比 擇善而從

愛民好治 思慮深遠

除殘去虐

剛克爲伐

威德剛武

桓 辟土服遠 克敬動民 辟土兼國

慧 柔質受諫

周人制謚美刺並陳所由來長遠矣我朝尤重視之 高皇帝至不以私諸子一何嚴也太史公曰謚者行之迹也大行受大名細行受細名殆庶幾乎周人之遺意焉 國朝謚法有美無刺實始於賀侍郎

銀說者謂與初指稍異竊以爲非然也美刺並陳不
如無謚矣何者所激厲者顯而其指淺也今制大
都非尊貴不得謚非起家翰林不槩以文謚蓋功德
名位參互用之美者自美亦有隱刺於美者矣今其
謚具在試因其類求之深恩哉 朝廷易名之典鄭
先生分類之意維鏡可覩已嗟嗟斯固太史公家法
也

謚法
總論

八編類纂